

OCTOBER 2021

Muaj tej thaum peb txhua tus yeej muaj qhov ntshai...

Thaum rov pib xyoo kawm ntawv thiab rov ua tej dej num uas ib txwm ua yav dhau los, tsis hais cov twb muaj hnuv nyoog lawm los cov tseem yog me nyuam kuj muaj qhov ntshai. Kev ntshai kuj yog ib qho zoo ua rau yus ceev faj kom muaj kev nyab xeeb, tab sis yog pheed ntshai tas li los yog ntshai heev – qhov ntawd yog ib tus cim qhia tau tias yus yuav tau nrhiav kev pab. Lub hlis no, yog lub caij ua hmoov nco txog Halloween, peb yuav poob rau qhov xav txog tej kev ntshai, es peb lub cev yuav tswj tej qhov xav tau zoo li no li cas, thiab cov hau kev los mus tswj hwm los yog txo qhov kev ntshai ntawd kom muaj tsawg.



Ntshai yog Dab Tsi?

Ntshai kheev yog ib yam ua rau yus tsis khab seeb uas feem ntau yog peb ntsib thaum muaj ib yam dab tsi hem peb. Ntshai yog zoo li peb lub cev lub tswb nrov qhia tias muaj hluav taws kub hnyiab. Nws yog ib qho pab tau thaum nws nrov ceeb toom qhia tias yuav muaj kev phom sij (hluav taws kub hnyiab). Tab sis, nws kuj pab tsis tau thaum nws nrov es dag rau peb xav tias yog ib qho kev phom sij (muaj pa taws ncho vim yog koj ua daim pizza kub hnyiab xwb). Thaum lub tswb hauv peb lub paj hlwb nrov heev dhau tab sis ho tsis muaj kev phom sij dab tsi, ces qhov ntawd kheev yog txhais hais tias peb muaj ib yam kev ntsov siab los yog muaj teeb meem ntshai nyob hauv peb lub neej. Nws yog ib qho pab tau yog hais tias peb paub txog cov cim tshwm sim uas qhia tau tias, ib tus twg, los yog koj tus kheej, muaj kev ntshai.

Nyob Tiv, Khiav, los yog Txhav: Peb lub cev txoj kev tawm tsam tam sid rau kev phom sij

Thaum peb pom tias yuav muaj kev phom sij, peb lub cev yuav pib ua tej yam uas txiav tu txhua qhov ua rau peb tsis nco txog lub neej txoj sia thiab peb ua tej yam uas peb xav kom muaj txoj sia nyob. Qhov no yog muab hu ua ***“Nyob Tiv, Khiav, los yog Txhav.”** Tej no yog yam peb tswj tsis tau, thiab nws tshwm sim thaum peb pom tias yuav muaj ib qho kev phom sij – tab txawm nws yuav muaj tiag los tsis muaj. Qhov no tsis yog tshwm sim ib lub sij hawm luv luv xwb, xws li thaum muaj ib qho xwm txheej, tab sis peb kuj pom qhov no li yog ib lub sij hawm ntev thaum peb muaj ib qho kev nyuaj siab loj. Hauv qab no yog cov nqe lus piav txog lo lus Nyob Tiv, Khiav, thiab Txhav:

- Koj lub plawv yuav dhia ceev dua qub kom xa tau ntshav mus rau koj tej leeg nqaj kom tau sai dua qub thiab nws kuj yuav tau tsawg dua thaum txhav, vim koj lub cev tsis xav tau qhov ntawd los ua lub zog.
- Ob txhais tes thiab ob txhais taw yuav txias tuaj vim muab cov ntshav xa mus rau lwm qhov chaw uas tseem ceeb dua lawm. Qhov no kheev ua rau tus neeg ib ce dawb daj li tuaj.
- Koj lub ntsiab muag yuav rua dav tuaj cia kom muaj sab ci nkag tau mus rau hauv ntau dua thiab koj lub qhov muag yuav ntseg ntsos.
- Koj cov ntshav yuav nyeem tuaj los npaj tsam muaj kev raug mob.
- Koj lub cev txoj kev zom zaub mov yuav nres vim koj lub cev tsis tas yuav tau ua txoj hauj lwm no thaum khiav kom dim qhov kev phom sij. Qhov no yog qhov ua rau xeev siab/ntuav los yog dim zis ntsos thaum muaj qhov xwm txheej tshwm sim.

*Ntau xyoo dhau los no, muaj ib txhia kuj xav siv lo lus thib plaub uas yog hu ua, **“Nyoo.”** Qhov no yog cov cwj pwm ua kom lwm tus zoo siab los yog nyoo ua raws li lwm tus xav tau.

Ua Siab Ntev/Uv

Qhov piv txwv no ua kom ntsia pom lwm txoj kev los daws teeb meem thaum yus ntshai ib yam dab tsi uas yog siv qhov **“Ua Siab Ntev/Uv”**. Lo lus no yog ua kom qhov teeb meem loj heev ntawd txias me ntsis. Qhov **“Ua Siab Ntev/Uv”** yuav nyob hauv nruab nrab. Qhov no yog thaum ib tus neeg yuav npau taws heev tab sis tseem muaj cuab kev siv tau nws tej kev txawj los daws qhov teeb meem, los yog nws tau ua tej yam tseem ceeb uas yuav tsum tau ua los pib daws kom qhov xwm txheej ntawd rov zoo tuaj.

Ua Siab Ntev/Uv	
KHIAV/NYOB TIV Thaum lub sij hawm koj ntshai heev ntawd koj yuav txaw txawm ntauwm qhov koj ua siab ntev/uv mus rau qhov nyob tiv los yog khiav mus. Ntxov sab Ceeb Ntsiab Npau Taws Tawm Tsam	NYOB TIV KHIAV TXHAV
UA SIAB NTEV/UV Thaum koj [twj] tau koj tej kev xav mus tau koj kev coo thiab muaj cuab kav coj tau tus kheej thiab tau zoo nyob. Koj ua tau siab ntev/uv los ntauwm kev siv koj tej kev txawj. Nyab xeeb Muaj cuab kav Ntseeg tus kheej Paub tus kheej Ceev faj Koom tes Txawj txawj tus kheej Koom nrog	
TXHAV Thaum ntshai heev ua rau koj tshua mus tas nro thiab tsiab muaj ib lub zog tsiab hais lub cev/lub hliwb. Nyuj siab Nkees Loog Tawm yam tu tas nro Tis muaj kev koom dab tsi Lub hliwb tsiab nyob ntawd lawm Tis muaj kev nrog dab tsi	
@BlessingManifesting	



Piv Txwv Li Tsiaj

Thaum ua hauj lwm nrog me nyuam, ib txoj kev los piav kom lawv nkag siab lo lus Nyob Tiv, Khiav, thiab Txhav thaum muaj ib qho xwm txheej yog muab piv rau tsiaj. Ua hauj lwm ua ke nrog koj tus me nyuam los yog tus tub ntshais kawm ntawv kom xav txog cov tsiaj uas lawv siv cov cwj pwm zoo li no kom muaj txoj sia nyob txhua hnuv. Xav txog ib tus luav seb nws ua li cas thaum nws pom koj nyob tom tog vaj tog tsev los yog ib tus tsov thaum nws pom lwm tus tsiaj loj txav los ze nws qhov chaw. Xav seb ib tus tsiaj tus cwj pwm hloov li cas thaum nws tsis ntshai dab tsi mus rau thaum nws pom tias yuav muaj dab tsi ua phem rau nws los yog ua rau nws ntshai thiab npau taws.